



虹蜺占

朱文公曰

虹蜺之占氣散之異注云造化權輿曰虹蜺者日月之氣陰雨之氣過日之光則暈為虹蜺今以水噴日自側觀之則暈為虹

宋志曰

陰陽之氣和則為雨露怒則為風雷散則為虹蜺雄日虹蜺日蜺又曰雙出鮮盛為虹暗薄為蜺又曰虹者攻也陽攻陰也蜺者嚙也灾蠱傷害於物

虹蜺占

朱文公曰

對日月則風雨將至而皆不為灾

宋志曰

凡虹直衝天橫截於天左右不見日月者為雨氣虹直而不衝日月者為風雨之候

春秋緯曰

虹蜺見雨而即晴久旱虹見即雨

虹蜺占


朱文公曰

夾日月則黑白為喪青黃為瑞

宋志曰

雨虹夾日月其色黑白為喪青黃為瑞也

虹蜺占



朱文公曰

貫日月則秋為雨而餘月喪

宋志曰 貫日月則秋為雨水而餘月為喪


荆州占曰

虹貫日臣弑主

甘氏曰

虹貫日近臣為亂諸侯有欲反者赤黑虹尤甚又曰日邊有白虹衝日在東方東反在西方西反南北二方亦然

虹蜺占



朱文公曰

夜穿星月則有陰謀而其地多水

宋志曰

夜有白虹穿星月有陰謀又曰或大水

虹蜺占

朱文公曰

晝霧而白虹見則君憂

宋志曰

晝霧白虹見君有憂

虹蜺占

朱文公曰

夜霧而白虹見則臣畏

宋志曰

夜霧而白虹見臣有憂

虹蜺占




朱文公曰

若政亂后盛而君凶下宮殿
園池及井內

宋志曰

若虹下宮殿園池井內不出
一年其下君長凶政亂若數
見后當盛

虹蜺占



朱文公曰

出地中其地大飢

宋志曰

若出地中其地大飢

虹蜺占




朱文公曰

出井中國憂起兵

宋志曰

若從井中出或飲井中水者
主兵起國憂

虹蜺占



朱文公曰

赤虹如杵則君凶而萬人死
亡

宋志曰

赤虹如杵其下君長凶萬人
死

京房曰

赤虹見萬人死其下白虹亦
然

抱朴子曰

赤虹見城上其城必大戰流
血

虹蜺占

朱文公曰

白虹見日則臣亂而君憂逼
弑

荆州占曰

白虹貫日臣弑主

甘氏曰

近臣為亂諸侯有欲反者赤
黑虹尤甚

虹蜺占

朱文公曰

日赤黑而虹貫之君憂

宋志曰

日赤黑而虹貫之則君有憂

虹蜺占



朱文公曰

攻城邑而虹不匝可擊


宋志曰

若攻城有白虹自外飲城中水者並從順虹攻之勝又曰攻城而白虹繞之若令從其缺處擊之勝也

黃帝占曰

白虹繞城不匝從虹缺所在擊之勝其缺處賊乃從其地而破走也

虹蜺占



朱文公曰

虹霓見三日占之大風雨自然災釋

宋志曰

凡虹霓見三日內有風雨即災散

風占



風占

風噫氣也生於四時起於八方其特宜而方順則吉否則凶第其氣有聲無形不可圖像故但列其占于左云

風角總占

風色

風氣如常來從四方

五經通義曰陰陽氣散為風風氣無根先儒以風從四方四隅來故為之角

玉冰曰風者教之始天之使也所以發號施令其政鳴柝啓圻其化鼓舞飄揚

玉冰曰風氣所生正當鳴柝啓圻若風氣施化則飄揚敷圻其為變則木拔草除也

又曰景霽山昏蒼埃際合崖谷若一岩岫之風也黃白昏埃繞空如堵獨見天垂川澤之風也加以黃黑

白埃齊下山澤之猛虎也

頌平則清和明靜政治則天氣溫涼

宋志曰凡風之類清和明靜天氣溫涼塵埃不起人民悅暢為祥風祥風者瑞風也亦曰景風又曰和風人君政頌和平則祥風至君聖政治則春無凄風夏無苦雨

尚書洪範曰聖時風若

董仲舒曰太平之世風不鳴黍開甲坼萌

發屋折木者為怒

宋志曰發屋折木名曰怒風也

揚沙轉石者為狂

宋志曰揚沙轉石名曰狂風也

勢紛錯交橫任小人而踈君子

宋志曰風來其勢紛錯交橫乍起乍止深藏難測其聲聒耳者為小人昧惑之風君任小人踈君子則至也

聲啾唧慘切不疾疫而必大喪

宋志曰風來其聲啾唧令人慘切為大喪之風

黃帝占曰或主疾疫也

憾憾蓬勃大兵將至

宋志曰風來其勢憾憾南北雜起高下蓬勃為大兵將至之風

炎炎恍惚火旱為殃

宋志曰風若炎炎如火奔馳乍起乍止為火旱之風
黃帝占曰風氣恍惚炎炎盪人如火或逢或疾為火
旱風也

大風橫霧兮白日沉沉主上昏亂兮政化未明

宋志曰風來其勢冥冥白日沉沉黃霧充塞大陽翳
精主上昏亂政化未明

黃帝占曰主上昏亂政教不明

觸塵蓬教者為勃亂

宋志曰觸塵蓬勃亂之風也

扶搖羊角者為飄風

宋志曰扶搖羊角為飄蕩之風也

凜冽而人懷戰慄刑罰暴急

宋志曰風氣凜冽為刑罰暴急之風也

卒起而南北不定上下不寧

宋志曰風來其勢暴急南北不定離合紛埃此為上
下不寧之風也

八風

聖人在上時風乃若賢人在朝八風循道

宋志曰八卦各有王卦於本卦方上來者為王風從
其冲處者為逆風以時至則陰陽和化道成是謂八
風循道聖人在朝則其風應時以為瑞慶王者當順

八風而得八政

尚書洪範曰聖時風若

立春有條風而艮生

宋志曰立春之節東北方艮卦用事赦小罪出稽留則其卦氣應而條風生如從衝來則為逆風主兵起其日若天氣晴明少雲則歲善而收陰則旱蟲傷禾稻春秋考異郵曰條風者條達也達生也言此方上風來生萬物也

其日若風從

乾來暴霜殺物

坎來大寒北夷侵掠

艮來歲豐五谷收成

震來氣泄百物不成

巽來歲內多風百蟲死傷

离來旱傷生物

坤來春乃多寒六月大水人多愁嘆
兌來兵起
霜早為灾

春分有明庶而東作

宋志曰春分之節正東方震卦用事正封疆修田疇則其卦氣應而明庶風至如從衝來則為逆風王者宜防左右若刑殺昏慘者凶其日東方有青雲則歲必熟若晴明則物不成

春秋考異郵曰明庶風者明萌也庶衆也言此風至衆物生也

其日若風從

乾來歲多暴寒金鐵倍貴

坎來饑疫菽豈不成

艮來夏穀不熟米貴一倍

震來五穀成而歲康

巽來時生百蟲四月暴寒

离來五月先水後旱

坤來歲有小水人多瘡疾

兌來蝗蟲大動

清明出巽當立夏之時

宋志曰立夏之節東南方巽卦用事出帑帛使諸侯
檢重囚出輕擊斷薄刑決小罪則其卦氣應而清明

風至如從衝來則為逆風主小凶其日南方赤雲生
則歲豐若清明則旱

春秋考異郵曰清明風者清精芒挫 時麥之屋

秀出已備故其鋒芒收挫使成實也

其曰風從

乾來霜殺夏麥其年民饑

坎來其歲多雨魚行人道

艮來山崩地動人疾疫

震來雷動非時震擊百物

巽來其年穀豐

离來夏旱禾焦

坤來人多不安萬物損傷

兌來蝗蟲大動

景風南來入夏至之日

宋志曰夏至之節正南方離卦用事爵有功祿有功
贊俊傑遂賢良則其卦氣應而景風至如從衝來則
為逆風臣子為亂其日南方有赤雲則歲豐晴明則
旱

春秋考異郵曰景風者景強也強以成之言萬物之
強盛也 其日風從

乾來寒傷萬物

坎來四時不節夏月多寒

艮來山水湧出

震來八月人多疾疫

巽來九月風傷衆物

離來五穀成熟

坤來六月雨水橫流

兌來秋月雨多

立秋方西南涼風乍涼

宋志曰立秋之節西南方坤卦用事專任有功以伐
不義詰誅暴慢以明好惡則其卦氣應而涼風至如
從衝來則為逆風穀無實其日有白雲及雨吉晴明
則萬物不收

春秋考異郵曰涼風者薄寒以閉收也言陰氣收成
萬物也 其日風從

乾來苦寒多雨

坎來冬露多霜寒

艮來秋氣不和

震來秋多雨雹

巽來兵卒內起

离來旱兵不利

坤來五穀成熟

兌來主歲豐稔

秋分方四方閭闔欲剝

宋志曰秋分之節正西兌卦用事嚴刑罰節困倉誅殺必當罪無寬滯則其日卦氣應閭闔風至如衝來為逆凶其日西方有白雲即歲豐精明則物不成春秋考異郵曰閭闔者當寒也天地收成閭闔盛時盛收物蓋藏之義閭闔為當寒也

其日風從

乾來入多相掠

坎來多水寒

艮來十二月多霜雪

震來大疫木花再榮不實

巽來十月多風

离來兵動國南

坤來土功大作

兌來主歲豐稔

立冬乾來方不周

宋志曰立冬之節西北方乾卦用事恤孤寡察阿黨築城郭造宮室修園圃則其卦氣應不周風至如衝來為逆人去其鄉其日清明小寒人君吉天下咸熙春秋考異郵曰不周風者不交也陰陽未合化也

其日風從

乾來王道行

坎來冬雪殺畜

艮來冬溫夏旱

震來冬溫有雷人疫

巽來蟄蟲出戶雷雨作

離來五月大疫皆在來年

坤來水蟲食物魚鹽倍多

兌來山澤有兵人多妖言

冬至坎來乃廣莫

宋志曰冬至之節止北方坎卦用事誅有罪斷大刑去聲色禁嗜欲安刑性休甲兵不興索以侍陰陽之定則其卦氣應廣莫風至如衝來逆主人民散其日有雨雪寒則歲豐晴明則物不成

春秋考異郵曰廣莫言廣大莫測為上通無莫之風冬無見者

春秋感精符曰漢候冬至之日見雲逆迎日者來年

歲美人民和不疾疫無雲逆迎日者惡赤雲旱白雲兵黃雲土功黑雲水宋均占曰

其日風從

乾來強國憂年多寒 坎來歲豐民樂

艮來正月多露 震來時雷大發大雨連行

離來冬溫乳婦多亡水旱不時人多病

巽來蟲傷生 坤來蟲蝗傷稼多水

兌來秋雨大兵起

正朔之風立春同較

乾來小雨兵起 天官曰戎菽胡豆也為成也

坎來大雨湧歲 天官曰為上歲

艮來歲稔

韋昭曰歲穰

震來大水寒霖

天官曰大水

巽來民疫

天官曰民相疾疫歲惡

離來大旱

天官曰文同

坤來小旱

天官曰文同

兌來無災

天官曰兵

黃帝占曰歲旦天氣清和溫潤風不鳴條若有雲逆

迎日其歲美無疾疫

却萌日正月朔日暮候東井上雲乙有歲潦務耕山

田高處又曰正月朔日曉至三日無風雨陰不見者

一歲大美十倍

沛公占曰正朔日大風發屋折木揚沙動石其歲大

惡

黃帝占曰十二月晦正月朔風雨春旱

五音風占

何以別風之五音宮則如牛鳴窸中急惡土功大興宮
來山摧岸崩

宋志曰宮風屬土君子之象占以宮日有風音之如
雷聲鼓聲如牛鳴窸中發屋折木者主土功動居心
不安當有急令上下相疑來年兵起其日風從宮來
山摧岸崩人君出行泉出地裂

自角而來蝗蟲敗穀

注云宮日角位風從角上來蝗蟲敗穀
從商而至大水暴風

注云宮日風從商來水泉湧暴風雨

發徵方蟲狼為害

注云宮日風從徵來蟲為害土功動

起羽地大雨寒陰

注云宮日風從雨來大雨寒陰大臣凶

商則如離群羊風聲入商暴起有鬪兵急令商來必夷

塞關梁

宋志曰商風厲金臣之象占以商日有風如離群羊
扣鍾磬聲如飛鳥之集羽發屋折木主宮宅自相傷

及有鬪兵急令至關梁不通其日有風從商來白衣
聚關梁塞大將退外敵入

發宮方邑有憂

注云商日風從宮來國有憂將在外兵不戰

起角地國有喪

注云商日風從角來國有喪兵且行

君令行也生於徵上

注云商日風從徵來君令行兵主凶

大雨至也來於羽方

注云商日風從羽來大雨至兵在外解

如千人呼嘯其風聲配角拔木則賊來鬪戰

宋志曰角風為木民之象占以角日有風如千人呼
嘯之狀令人悲哀或啾啾然又如鳴雉發木聲發屋
折樹者急賊鬪戰或有疾疫

起角則急兵入郭

注云角日風從角來主急兵攻入城邑

商則軍令起而暴兵來

注云角日風從商來有暴兵軍令起

宮則貴人疾而土功作

注云角日風從宮來主貴人疾有土功

羽來者人泣而其野饑

注云角日風從羽來野饑人泣

徵來也絲貴而火爍爍

注云角日風從徵來憂火燔絲貴

聲如縛彘其音曰徵發屋有急事來自徵有火焰起

宋志曰徵風屬火事之象占以徵有風如奔馬火炎
如縛彘發屋折木火炎災憂自行外有急事妖言人
恐其日風從徵來焰火起人君有憂

角則旱火發而土功

注云徵日風從角來有土功起火災時有大旱

宮則寺舍災而哭泣

注云徵日風從宮來主寺舍災有焰火泣哭

商為急兵鬪爭

注云徵日風從商來有鬪兵國不安邊將憂
羽為寶物出國

注云徵日風從羽來寶物出國多雷震有使命
揚波擊濕鼓孰不謂之羽急怒則糴貴而有兵發羽則
霜雹而大雨

宋志曰羽風屬水物之象占以羽日有風如擊濕鼓
如水揚波聲發屋折木者糴大貴兵起關梁不通城
邑固守其日風從羽來主羽雹霜灾
從商則兵鬪將憂

注云羽日風從商來有鬪兵不安邊將憂
自宮則暴寒傷物

注云羽日風從宮來主暴風大雨寒氣傷物
徵來方民臣有憂

注云羽日風從徵來民臣有憂
角來方城圍不去

注云羽日風從角來主城圍不解

六情風占

五音然定參之六情

古注云二者必參而用之也

申子為貪狼而無厭

宋志曰北方之情好水也好行貪狼申子主之水生
於申盛於子其性觸物而潤多所好好則貪而無厭

故為貪狼其日風從本方上來七出七日闔梁驚石
則自兵攻他界若時加貪有賊劫害人禍起北方時
加姦邪風從賊上來有盜傷事風從公正上來有報
怨揚兵自擊年立丑凶風從姦邪上來惡人持物風
從廉貞上來有人相賂風從寬大上來持禮相接禮
相接而求人財物風從陰賊上來家人相牽引占則
出行為禽獸所傷也

寅午為廉貞遷進專精

宋志曰南方之情惡火也惡行廉貞寅午主之火生
在寅盛於午惟炎猛無所容受故為忠其氣精專而
嚴正故曰廉貞其日風從本方上來相謗怨事興風

從寬大上來時加巳酉為貴客以酒食宴樂廷官詔
命至風從姦邪上來祿人為恠婦凌夫風從公正方
上來貴人有所相問風從貪狼上來有人競期風從
陰賊上來有賊無所尅也

亥卯為陰賊潛為寇盜

宋志曰東方之情怒木也怒行陰賊亥卯主之生於
亥盛於卯其性受水而生貫也而出為怒為陰氣則
害上故為陰賊其日風從本方上來不出七日有陰
賊入界偷營寨風從姦邪主來時加申子而止於申
子上有賊盜風從貪總上來白刃傷風從公正上來
外人謀內風從寬大上來賈客施錢與人風從廉貞

上來有巢穴之士為人所劫
巳酉為寬大酒食歡榮

宋志曰西方之情喜金也喜行寬大巳酉主之生於
巳盛於酉金之為物喜以利刃加萬物故喜為利也
刃之所加無不寬大故為寬大其日風從本方上來
有酒食歡榮喜慶事風從廉貞上來時加巳酉為貴
慶加賞賜風從公正上來有酒訟興風從陰賊上來
有酒食相害風從姦邪上來因酒婦人口舌風從貪
狼上來酒間爭財

戊丑公正兮悲哀而報仇諫爭

宋志曰下方之情哀也哀行公正戊丑主之下方南

與西也陰氣所萌生故為下方戊窮火也丑窮金也
金剛火強各歸其鄉大刑於午金刑於酉皆其盛也
則受刑至窮無所歸故曰哀火無私而金剛故公正
其日風從本方來兩軍相當大將來降不出七日他
兵敗時加公正吏人相爭仇火報怨風從姦邪上來
時加廉貞正人欲告部吏私風從陰賊上來主下凌
上風從貪狼上來離失衆心風從廉貞上來居長欲
遷風從寬大上來出逢酒食

辰未姦邪也淫泆西誑詐虛驚

宋志曰上兮之情樂也樂行姦邪辰未生之上方北
與東也陽氣所萌生故為上方辰窮水也未窮本也

木落歸本水流歸源故本利在未水立在辰水窮無
隙不入木窮則旁行故為姦邪其日風從本方上來
七日內必有賊來反陰人誑詐虛驚風從寬大上來
時加辰未有人待酒禮來相疾謀殺日時皆姦邪風
從公正上來有文書詔命盜賊相牽風從貪狼上來
賊人恃物逃生風從廉貞上來因酉食為病風從陰
賊上來宿人相攻

甲乙為本情而不動丙丁合戊己則參刑衡是庚辛壬
癸取鈎情而須辨陰前陽後合三辰是曰鈎名
風角占曰六情者甲乙為本情丙丁為合情戊己為
刑情庚辛為衝情壬癸為鈎情陽支後三辰陰支前

三辰俱為鈎名 假令申則巳 酉則子是也

京房曰六情者好惡喜怒哀樂也好行貪狼上欺詐
不實亡財遇盜求人物強取事惡行廉貞主賓客禮
儀嫁娶圖儀為人誠信主遷官事喜行寬大主爵祿
賞賜聚積酒食慶賀事怒行陰賊主戰鬪殺傷謀反
叛逆主劫暴事哀行公正主報仇諫諍事樂行奸邪
主淫泆疾疫欺殆事

日辰大風

風塵蔽天干支共觀

注云干為日支為辰也

甲日則海中兵起

宋志曰甲日大風海中兵起

乾坤寶典曰諸甲日大風必以丙丁日雨不雨則海中兵起

宋志曰乙日風作粟貴夷狄侵邊

丙丁旱疫而邊兵圍急

宋志曰丙日大風邊兵圍急丁日大風旱疫

戊己糴貴而土工邑遷

宋志曰戊己日大風土工興食物貴或遷邑

庚辛日叫怒急備邊陸無咎

宋志曰庚辛日若風聲叫怒者宜備邊

壬癸飛砂北虜侵境不寧

宋志曰壬癸日若風飛砂折木者北虜侵邊

已上三日內有雨即解

京房曰風為陽雨為陰揚怒得陰故解

子為兵起水中

宋志曰子日大風日光沉沉兵起水中

丑為粟貴之徵

宋志曰丑日大風掃地揚砂者粟暴貴

寅日有赤氣則災天

宋志曰寅日大風而赤氣四塞有火災

卯日有黃霧則蟲生

宋志曰卯日大風而黃塵衝天蟲蝗必生

辰為將行

宋志曰辰日大風大將出行

巳為天下大旱

宋志曰巳日大風若蓬勃無常者有大旱

午為民散

宋志曰午日若風乍疾乍遲者人民不安流離散亡也

未為土功大興

宋志曰未日大風日無光影者土功大興也

申則盜攻穀貴也

宋志曰申日風聲如罄穀貴盜攻

酉作賣流溢

宋志曰酉日風蕭蕭濡潤必大水河瀆橫流

戌則胡兵四起也

宋志曰戌日大風塵霧橫天揚埃千里胡兵四起

亥為兵盜相攻

宋志曰亥日大風揚砂折木者兵賊相攻人民不安三日有雨即解陽怒利以陰承

京房注同

察兵勝負兵占

兩軍相遇風占勝負先明其日納音次察起時方所其日納音為客時與來方為主

宋志曰兩軍相當未明勝負以所占時與來方為主
其日納音為客

時方制音利為主而後應納音反制宜為客而先舉還
若相生是為和睦

宋志曰若時與來方能制納音者主勝反之客勝如
相生為比和不戰

子午為宮音

丑未寅申為徵音

卯酉為羽音

辰戌為商音

巳亥為角音

乾坤寶典曰假令壬子癸丑木壬午癸未木戊辰己
巳木皆為角曰客風從辰戌商上來時加辰戌者主

入勝客軍敗若此角日風從子午宮來者主人大敗
亦為攻城得捷邊城被陷他皆倣此推之

逆風雨交戰則師徒大敗而名落冕

宋志曰初出軍及三日內行次風勢蓬勃逆來衝我
旗幟難舉人聲怯馬不嘶吹砂觸塵人馬經過步迴
無跡者此名鬼風或出軍三日內及交戰有急風其
雨濡濕軍馬威不能振者此為軍敗若天氣昏沉風
聲錯亂或久陰不雨皆為下有人謀宜設謀畫以順
天意 又日出軍而飄風驟來牙旗摧折旗幟統竿
或下垂者交戰將死者營陣既成而有暴風卒來相
掩軍幕傾旗幟折木者為惡逃主將失兵叛散

風角占曰初出軍無風草木不動者賊不可得又曰
若軍行旗幟指後者三軍大敗將死者半道逢賊分
軍兩向或戰或住風來逆吹旗幟却飛不進者大敗
又曰若風雨逆來不沾衣者此名天泣軍師戰大敗
若交戰風雨兼來此名落尸戰必大敗
神武祕畧曰若狂風吹足帛起空中者其軍不利宜
安撫軍旅及祀天地吉又曰若旅風入寨大為不利
順風兩交戰則軍旅大捷而為得助

宋志曰初出軍日風從後來衝霧突出人椎壯馬嘶
逸旌旗如舉勢指敵方鼓角清而響者全勝從南方
來而前向者得天人之助獲敵糧儲敵人來降若風

從地上五音相生來主我為毋翊子我生為子扶毋
也天色清明人為奔逸上下歡心風順和暢者軍勝
天氣昏濁風勢寒尅塵土蓬勃者即不利若入敵境
經要害遇城壘三日內有風雨雷霆從我軍上去為
龍虎相助即急戰必大勝若安平之時風雲相交即
雨至月兵之時龍虎相助即急戰風為主雲為客若
風勢緊大雲氣薄少者主勝若雲色濃厚來急風勢
微弱不能震怒者客勝風角占曰假令角日風從卯
酉上來此名毋翊子風從丑未寅中上來此為子扶
毋出軍當勝有成功神武祕畧曰風為龍為主人雲
為虎為客人

受宮羽商曰風從季來或申子亥卯時當子午刑殺急速而寒濁有夷兵犯塞而出沒

宋志曰當視四季受宮之日風從四季上來飛土揚鹿發屋折木而天色溫和時加子午五音及子午止者當有邊夷入貢寒尅則不至受商受羽受宮之日風從四季上來其勢叫怒當子午無帶刑殺或申子亥卯上來其勢急速者當有夷兵犯塞風勢寒尅必成也

受角日子午之時季來則將伐夷去

宋志曰四季受角之日時加子午風勢緊急從四季上來中國將伐四夷風上之處為所伐之地止辰伐東夷止未伐蠻夷止戌伐西夷止丑伐北狄若風止有雨景色溫和即不行

受角日徵來則大災

宋志曰受角之日大風發屋折木從丑寅未申徵方上來乍遲乍疾時加子午大當發宮寺

受羽日羽來則暴雨

宋志曰受羽之日風從卯酉方上來天陰雲潤人心悲慘連三日者當有暴雨大水驟至又有風雨肅肅習習調和潤氣濡物從卯酉之位來必須更而雨至自刑日風起徵方火火起災及貴府

宋志曰辰午酉亥自刑之日風從徵方來者有大災

風寒迅急者火殺人三日內有雨即解

飄驟雨牙旗折交戰將死

注云出軍而飄風驟來牙旗催折旗幡繞竿或下垂者交戰將死

急惡而軍幕傾將卒皆惡

注云若營陣既成而暴風來相掩軍幕傾旌旗折林木者為惡主將失位兵叛散

暴風忽起於刑墓之方宜防急賊及伏兵掩覆

注云若有疾風於歲月日刑上來者有急賊至或前後有伏兵掩人不備宜謹防之

旋風占

觸鹿豷桓風名曰旋入吾寨急宜嚴備

注云旋風入吾寨大為不祥亦為狂賊來嚴備之吉入敵城急合攻焉

注云旋風入敵城宜從所入極攻之

入宮宅屋室之內決音情刑德為先

宋志曰旋風入者常以五音六情占之用王相休囚刑德以分憂喜從德位來為吉事刑位來為憂事

德為喜慶

注云從歲月日德方上來為吉慶吉事

刑為憂煩

注云從歲月日刑方上來為憂惱凶事

入屋室飛揚衣物驚財耗下盜須然

注云旋風入屋室飛揚衣物當憂財物驚犬及盜
凡行次逆來衝我宜迴避暫止勿前

注云道路行次間有旋風逆來衝我宜迴避俟定方
可向前

噫詳變無窮占書雜註余乃撮機要為集解之編舉
宏綱為長短之句士乎士乎志欲匡國佐君之術尤宜
覽斯書披斯圖誦斯賦



